



39219


kat.komp

Mag. St. Dr. P

Euleriartifices

Text. 2977.

Krupski. Mart. Stanisl. Prodigium prodigiorum
in congregatione Virginis Annuntiatae
ad Corpus susceptum.



PRODIGIVM PRODIGIORVM.
D E V S
IN CONGREGATIONE
VIRGINIS ANNUNTIATÆ,
AD CORPVS
SVSCEPTVS.

Et inter annuos Marianæ Sodalitatis applausus

PRÆSENTATVS,

Perorante MARTINO STANISLAO KRVPSKI
Eiusdem Congregationis Assistente.

Anno ad Corpus admissi VERBI, 1660.

II. Aprilis.



POSNANIÆ,

In Officina Viduæ & Hæredum ALBERTI REGVL.



MARIANÆ CONGREGATIONI

Virginis ab Angelo salutatæ,

IN COLLEGIO POSNANIENSI
SOCIETATIS IESV,

Titularis Festi triumphos adornanti:

M. S. K. festiuam acclamationem.

Non alienum quidquam, sed Tu-
um Tibi præsentio Sodalem, So-
dalitas MARIANA. Sodalem il-
lum, qui humanitatem iam pri-
dem speculatus, ad praxim dedu-
xit non vulgarem, HOMO fa-
ctus. Seu humani, seu diuini sis ge-
nij: DEVM HOMINEM non acce-
ptare non potes, accidet Tibi ad
animum, quem ad Corpus su-
scepisti.



ORATIO



IV figuris, tropisq; vsus DEVS, vltimam-
tandem è prodigiosis prodigiosissimam fecit me-
taphoram, cum è cœlo in terras deuolutus de
loco proprio in improprium est translatus, Au-
ditores MARIANI. Accessit ad prodigium
cum illud VERBUM loquenti non impar,
seq; ipso plenum, & vt ita dicam, Intransituum, ad humanum
transiit nomen, atq; intra angustas mortalitatis metas coarcta-
tum, ex verbo modi naturâ suâ infiniti, finitum esse, discriminari
temporibus, digito indicari, imperia subire, optatis desiderijsq;
vrgeri, hominibus humanius iungi coepit. effecit adhuc exag-
geratiorem admirationis auxesim, cum duo illa nomina, non
toto solùm à se diffita vniuerso, sed ne cogitatione quidem sibi
confederata, propè synonyma esse coepere. DEVS homo, &
homo DEVS. Quæ enim verò tam diuinæ origo metaphoræ?
quis inuentor! Cecinisti olim vates, quòd primus in orbe deos
fecerit timor, palinodiam cane; non timor, sed amor DEVM ho-
minem fecit, cum eum transtulit ad humana. Decidisse quon-
dam è cœlo gemmam in sacrum Diui cuiusdam mystæ calicem,
fides annalium perhibet. Non miror pulchrum gemmæ huius
casum, non nisi ad thesauros, nam ad veros diuinissimi liquoris
vniones deproperantis. Magis miror probatissimi viri huius, ca-
ram Numini probitatem, in cuius ornamenta, non vulgare do-
narium submisit cælum, cum hanc illi porrexit gemmam, preti-
osumq; eius animum hoc pretio est testatum. Scit & DEVS, me-
lius quàm olim Cleopatra, liquefactos suis præbere vniones, in
quibus non iam regnum, sed cœlum bibant. At, vt iam innui,
non vsque adèd euentus gemmæ huiusaliquam à me extorquet
admirationem. Te Te miror in ipsius Numinis ærario proge-
nite

nite vnio, hypostatica DEI hominis vnio. Te insperatio fortuna nobis inexpectatâ detulit Translatione. constitisti equidem nunquam satis æstimate vnio non in indebita Tibi statione, illi insertus annulo, quo sibi Deus mortalem subarrhauit naturam. depositus es in securissimo ipsius securitatis loco, sub sole quidem sed in vmbra, ab ipso obseratæ virginittis benè tutus claustro, custodem nactus vigilem ipsum Deum. Cum his tamen omnibus ponderosissime vnio metaphoram non euasisti, dum creatam naturam ad diuinæ fastigium transtulisti Personæ. Sed quid ego genuinas veritates metaphoricis inuoluo translationibus! Neminem id mirari velim, suavit hoc nomen translatus Festi currentis dies, qui cū in illas incidisset ferias, quarum in horologijs vltimam vitæ lineam ad vmbas occumbentium astrorum duxit Deus, cū inquam in illas malè feriatæ immanitatis ferias incidisset, intra infestas festus esse, numerumq; earum implere noluit, quæ è numero mortalium vitam ipsam expuleret: hæc igitur Translatio eam mihi persuasit phrasim. Et stetit iam in Centro Tuo (centrum felicitatum omnium MARIAM loquor) Translate Deus stetit. Vtere igitur hac residentiâ Tuâ, quiesce in throno Tuo post tanta Translationis spatia nunc primū fatigari discens Gigas. Ego verò Auditores, dum DEVM intra Virginea adyta commorantem cerno, eum Congregationi Annuntiatæ Virginis adlectum, atq; ad Corpus susceptum, inter eiusdem vmbas, vmbatili oratione Vobis ad vmbro. Fauebit humanitas Vestra, de DEO homine peroranti.

Ipsū ego, vt opinor, liquidissimæ veritatis fundum tangam, cū Pelagus illud gratiarum, illum naufragij immunem Oceanum, mare illud propter latentem in eo Diuinitatis abyssū sine fundo, MARIAM inquam, nomine integræ Congregationis appellauero: Si enim recens illa erecti orbis vndarum aggregatio, vocata maria: meliori maioriq; iure, nam diuino, Congregationis nomen MARIA sortietur. Et certè quidquid præpotens Numinis manus, sparsim veluti per totum partita est vniuersum, totum id tanquam in compendio in eam Congregationem contulit

tulit fortunatè. Huic Te adlectum Congregationi, in hac sero-
nimis (si in computum veniat æternitas) susceptum ad Corpus,
per umbram licet crepusculumq; Consurgentis auroræ, perspi-
cùè tamen cerno Nate DEI, Priùs tamen mihi Tirocinium Tu-
um, apparatusq; ad tam insignem post tot prævia signa actum,
perlustrandus est. Sed egone Tironem Te antiquissime dierum
aliquando extitisse dicam? Te ne ego vnum è Triarijs, è Tria-
ria nempe Personarum Triade Tironem vocem? Tiro eras, cùm
in orbe terrarum Tironum more ludes, seriam interim felici-
tatis nostræ seriem meditatus. pendebat ex lusu illo Tuo immor-
talis fortunæ nostræ alea, nunquam deluse lusor. Tiro eras, dum
habitu nondum contracto actus solummodo eximie humanita-
tis exerceres. At apparatus qualis quantusque? cum eo utiq;
splendore, qui progenito in splendoribus debebatur. Indicta,
ante omnia solennitas sub Ritu Duplici, duarum in vna Hypostasi
naturarum, abiq; expositione tamen Venerabilis, latente inter-
rim intra virginæ latebras Ciborij Sacramento: modoprimum
orbi missum Missæ Sacrificium, priuatim, secretòque, tacente e-
nim VERBO, lectum, ipso Supremo Sacerdote, Res mira! seip-
sum sacrificante. Non desuere ad ornatum peristromata aulæq;
ex aureo vellere non Colchici, sed in vsus nostros euiscerantis se-
diuinissimi Agni. Imaginum artificiosæ aderant umbræpingen-
te ipso Apelle spiritus: accessere, nunc primum expressæ ad vi-
uum figuræ veteres, in umbra licet non iam umbræ. quid faces
referam solis æmulas, eclypsi tamen nescias, quibus copiosum
suppeditauit ignem ipse ille Consumens Ignis. ceram virginem
dedit Virgo Mater. Et arsit quidem ignis iste, ceram tamen hanc
non depascens. Si spectatorem spectes, effusa ad spectaculum to-
ta cæli corona, tot oculis quot astris, & adhuc siderum motoribus
magis oculatis frequens. Ipse interim suscipiendus ad Corpus
DEVS nobilissima omnium comparuit in Persona.

Quis iam hic pacta Tua, quis Sacramentum quod dixisti,
quis fidelitatem adpromissam, quis concepta verba, o diuini
Conceptus VERBUM, vel concipiat vel enarret? Iuramentum

Fidei

Fidei quod præambulum esse solet, non duobus dumtaxat appo-
sitis dextræ Tuæ digitis, sed admoto integro potentia Brachio
deposuisti. Iura legesq; cætus huius eâ æquanimirate amplexus
es, vt nullam à Communi Regula pari volueris exceptionem,
vnicâ peccati appendice non receptâ. Nulli olim obligatus, ex
asse iam effectus es MARIANVS, atq; tam arctè fidem Tuam ad-
strinxisti, quàm arctum est Hypostaticæ vinculum Vnionis. V-
num sed irrenocabile dedisti verbum, cùm ô VERBUM Te de-
disti. Quem verò cultum cultissime in nostro cultu DEVS MA-
RIÆ Tuæ non adpromisisti? parùm erat Filium esse, adscitâ
Serui Formâ in seruum Te mancipasti. O seruatorem seruum!
O Formam serui omni venustate digniorem! Erat informe por-
tentum, Orbis, quem vt repingeres, archetypam hanc sumpisti
formam. Inanimis adinstar erat materia, inanimem ergo hac
Formâ Tuâ animasti. Nouam à Te didicimus dialecticam eru-
dite DEVS, concludere nimirum in Forma serui, in qua Tu
quoq; argumentum vitæ Tuæ conclusisti, docuisti eâ argumen-
tationis formâ committere Eternitatis circulum, sed non vitio-
sum.

Vix eam posuisti formam omnium formosissime, cùm illico
subsecutum est admirabile compositum, subsecuta ad Corpus
fortunatissima susceptio. Et quis ille susceptor Tuus? illa illa,
Consanguinea Diuinitati Virgo vnico præpotenti verbo Fi-
at, Te inter Prædicamenta nostra in Gradu Corporis collocauit.
Imaginetur obsoleti capitis antiquitas Pallades suas è cerebro
Jouis natas, defectumq; cerebri hoc figmento prodat. Tibi re-
cens MARIANE Sodalis DEVS non ad phantasticum contigit
admitti Corpus. Eras hætenus totus & vnicus oculus, tota &
vnica manus, ideoq; vitio imaginationis humanæ repudiaba-
ris velut monstrum. Correxisti male sanæ imaginationis viti-
um, cùm organici Corporis, quò acceptior esses, symetriad Ti-
bi concinnasti. In dies longius exerrabat, quæ semel à recto de-
uiauerat, erratica natura, quam ad rectum deducturus, non via-
tor solum factus, sed sumpto Corpore in recta ipse Consanguini-
nita-

nitatis eius linea constitisti. Sciebas admodum graue Corporis pondus, hæredi cœlorum animo non leui obstaculo esse, ne in sua eluctetur dominia: remouisti impedimentum, cum Tibi illud ventorum quadrigis vehi solito adstrinxisti. Non nouum est per inita inter Principes Connubia, diu regnantia in Regnis odia confopori, sedari bella, pacem stabiliri. Vt es hac solertia Princeps pacis, cum naturâ hostili in Connubium, Diuinitatis assumptâ, cœlum terramq; non tam spatijs quàm odijs à se distita, æterno fœdere sociasti, ita vt iam sint eadem inter se, quę sunt eadem vni tertio, vni Tibi. Definiverat olim Philosophorum nonnemo, Te circulum esse, cuius vbiq; centrum, circumferentia nusquam; sed ô prodigiosam metamorphosim! in exiguum Te collegisti centrum, cum profundissimum MARIANÆ demissionis centrum petiisti, ad quod vt facilius deuoluereris, Corpore quod ponderaret opus erat. Insurrexeramus aduersum Te, etsi lapsi, rebellionem moueramus, arma inermes sumpseramus, aculeato serpente suppedicante tela, pomis aptatis in globos, folijs ipsis in galeam excrecentibus & thoracem, cum ipsa illa arbore mortis ferace creueramus hostes radicati, eradicaturus frondosam sine fronte rebellionem hanc, Corpus Iuri Tuo opportunum aptasti, vt vel ipsâ pedum positione pristinum Te possessorem testareris, simulq; giganteo passu nunquam delenda beneficentię Tuę vestigia imprimeres ingrata Terrę nostrę. Non ignorabas erectam à Te Principi animo munitionem Corpus terreum, pridem iam in partes hostium transiisse, atq; in præcipuum rebellium euasisse propugnaculum; quid hic ageres pugnacissime Exercituum DEVS? Non erat mentis Tuę munitionem hanc non vno iam ruinosam lapsu, subruere funditus, in natium redigere puluerem, demoliri. Optimo itaq; consilio in Tuam redegisti potestatem, Tuumq; in eam amoris armamentarium collocasti, & ne vllum vnquam suboriretur de possessione dubium, permutato nomine, factus es ipsum Corpus. Latebat in argillacea Corpori tellure pretiosi quiddam, quod ne in alienas deueniret manus, ipsum fundum Caro Tui ipsius emisti.

sti vnione. Fuit olim adeo famelicum Corpus, vt vnico mor-
tu ipsam comederit mortem, vitamq; abliguriuerit vniuersam;
exsaturaturus helluonem hunc, Tibi illum Immortalitatis iunxi-
sti cibo. Complures videbas Aquilas spectando soli natas in tur-
pem vulturum cadaueribus assuetorum degenerasse indolem.,
prouidisti & illis nobilem escam, idq; effecisti, vt ubi Corpus fo-
ret, & Aquilæ congregarentur. Æstuabas nimio caritatis æstu,
totoq; anhelabas spiritu in terras deducte DEVS, nullaq; Tibi
in Te suppetebat vmbra, eam igitur nactus es à Corpore ad vm-
bras Tibi efformato. Constiteras iam in Auge ô Sol verè solus,
atq; ita exarferas, vt non potueris non attrahere nubeculam
istam Corpus nostrum.

Sed quid plura? etiam per nubem hanc plusquam clarum est,
Te ad Corpus Sodalitatis susceptum Congregationi Annuntia-
tæ dedisse nomen, Alboq; inscriptum esse MARIANO. O diem
albo notandum calculo! quo atram orbis fuliginem absterfurus,
niueo Virginitatis Nomen inseruisti liliæto. Habebat proscripta
hominum natura collatum sibi ad Cœli Dominia priuilegium.,
hoc vno inualidum mancumq; quod Collatoris subscriptum de-
esset nomen: roborasti valorem, cum tandem nomen Tuum e-
xarasti. deerat & signaculum, sed prouidit illud luculenter Fons
signatus. Implebant hætenus Calendarium nostrum errat ica.
Planetarum nomina per meros inserta errores exerrantium toto
cœlo Astrologorum, sed iam in nouam immutatum faciem, Te
primas eius Kalendas, frontemq; bifrontis Iani, Nomine Tuo
occupante. Et vmbrosè quidem interea scriptum inseruisti no-
men, sed breui purpureo sanguinis murice pingendum atq; in
integrum nobis Rubrum euasurum. Edideras non ita pridem
dignum Ingenio Tuo opus, sine literis literate DEVS, cum MA-
RIAM edideras, librum ab erratis mendisq; verè liberum, librum
mille titulis adornatum, iam Cursus Theologici insignem no-
mine, in quo ipse curriculum mortalitatis eras decursurus, iam
Catena aurea, appellatum, in qua vinculis humanissime beneuo-
lentiz catenandus eras, iam Nomenclaturâ Moraliū Tracta-
tuum

etum insignitum, in quibus ampla sæculorum negotia feliciter
eras pertractaturus. Ignotus interim erat tam operosi & eru-
diti libri auctor, cum ecce scripto Tuo nomine auctorem pro-
didisti. Si quando, nunc profecto Album MARIANVM cœpit
esse vere Album, dum nidiſſimum candorem Lucis Te recepit.

Vnum vereor ne in hac fortunata Tui ad Corpus Albumq;
ſuſceptione queraris recens Parthenie Sodalis DEVS, quod ad
Indulgentiarum meritorumq; commercium minimè ſis admiſ-
ſus. Et verò quæ Indultorum commercia ab ijs expectare pote-
ras, quos in ipſo principe Capite, Capitis reos non ignorabas: im-
mutaſti itaq; rerum vices, cum ipſam Congregationem Te ad
Corpus recipientem, ad merita Tua admiſiſti. Subſecuti illico
ingentes Indulgentiarum theſauri, occluſi hucusq; ſed ad præ-
ſentiam Tuam reſerati, ô Clavis David. Plenariam promulgâſti
Indulgentiam illo Pontificio Breui Tuo (chartam Virginem lo-
quor) ſed pleno gratiarum. allatæ Stationum Urbis Indulgentiæ,
Te in hac Metropoli Tua conſtituto. Et quid tandem mune-
ris pro tot meritis es adeptus? quâ tandem Te Congregatio
Tua inauſtoravit dignitate? dicerem Te in Præſectum Sodal-
tatis evaſiſſe, niſi ſubiectum intuerer. Theſaurarium appella-
rem: niſi probè noſſem, ære alieno obæratum ad extremam
pauperiem deveniſſe. Non exerrabo itaq; ſi Secretarij nomen
Tibi dederò, ſecreta cœlorum denuntiantis, aut certè Conſulto-
ris, noua orbi conſilia ſuggerentis, aut deniq; Aſſiſtentis, dexte-
ram Numinis occupaturi.

Nec iam plus ultra Auditores, cum nec ipſe ſuſceptus ad
Corpus DEVS, quò progrediatur amplius quidquam habeat:
ad metas itaq; limitesq; abbreviati conſiſto VERBI, abrumpo
ſilum, DEO ſuam ordiri mortalis vitæ telam inchoante. Ora-
tionis compono vela, reuelato Numine ſua iam vela expanden-
te. Cæterum quidquid hætenus de ſuſcepto ad Corpus DEO
dixi, Corpus eſt, Vos animum date.

D I X I.

A. M. D. G. Bq; V. I. C. H.



A. M. D. C. LXXV. E. C. H.

Biblioteka Jagiellońska



stdr0009034

